

Հոկտեմբերի 24-ին տեղի ունեցավ Հայաստանի Հանրապետության կառավարության բարեգործական ծրագրերի համակարգման հանձնաժողովի հերթական նիստը, որը վարեց հանձնաժողովի նախագահ Սիմոն Տեր-Սիմոնյանը:

Հանձնաժողովը քննարկեց 12 բարեգործական ծրագիր:

Մասնավորապես, քննարկվել և հաստատվել են՝

«Հայաստան» համահայկական հիմնադրամի կողմից իրականացվող՝ «Երևանի խոսքի ծանր խանգարումներ ունեցող երեխաների թիվ 8 հատուկ կրթահամալիր» ՊՈԱԿ-ում խոհարարական դասերի կազմակերպման դասասենյակի կահավորման, «Երևան քաղաքի Հայրապետ Հայրապետյանի անվան թիվ 78 դպրոց» ՊՈԱԿ-ի մարզադաշտի կառուցման և «Երևան քաղաքի Հովհաննես Շիրազի անվան թիվ 169 հիմնական դպրոց» ՊՈԱԿ-ի համար համակարգչային սարքավորումների ձեռքբերման ծրագրերը:

Մայր Աթոռ Սուրբ Էջմիածնի կողմից իրականացվող Սևանի Վազգենյան հոգևոր դպրոցի գրադարանի դարակաշարերի նորոգման ծրագիրը:

Հայաստանի Հանրապետության կրթության և գիտության նախարարության «Երևանի պետական համալսարան» ՊՈԱԿ-ի կողմից իրականացվող «ՀՀ կրթության և գիտության նախարարության «ԵՊՀ» ՊՈԱԿ-ի և «Լույս» մշակույթային, գիտական, կրթական հիմնադրամի համագործակցություն» ծրագիրը:

«Բարեկեցություն» բարեգործական հիմնադրամի կողմից իրականացվող՝ մարզա-առողջարարական համալիրի կառուցման ծրագիրը:

«Հայ-Ռուսական (Սլավոնական)» համալսարանի կողմից իրականացվող՝ Էլեկտրոնիկա և նանոէլեկտրոնիկ մասնագիտական կրթական ծրագրի իրականացման որակի բարելավման նպատակով ուսումնական և գիտահետազոտական լաբորատոր բազայի վերազինման ծրագիրը:

Հայկական բարեգործական ընդհանուր միության Հայաստանի ներկայացուցչության կողմից իրականացվող «Լեռնային Ղարաբաղի Հանրապետության ստեղծարար տեխնոլոգիաների կենտրոնի հիմնում» ծրագիրը:

Ամերիկայի Հայ օգնության ֆոնդի հայաստանի մասնաճյուղի իրականացվող՝ Հայաստանի Հանրապետության Տավուշի մարզի Չինչին գյուղի մանկապարտեզի շինվերանորոգման ծրագիրը:

«Տաթևի վերածնունդ» հիմնադրամի կողմից իրականացվող ծրագիրը:

«ԻԿՕՄ-ի հայկական թանգարանների ազգային կոմիտե» հասարակական կազմակերպության կողմից իրականացվող «Կոմիտասի թանգարան-ինստիտուտ» պետական ոչ առևտրային կազմակերպության հիմնական ցուցադրության նախագծման և իրականացման ծրագիրը:

«Երիտասարդական ակումբների դաշնություն» երիտասարդական հասարակական կազմակերպության կողմից իրականացվող «Մշակույթային քաղաքներ՝ կամավորների ուժերով» ծրագիրը:

Նիստում քննարկվել և հաստատվել են նաև նախկինում հաստատված ծրագրերի շրջանակներում իրականացվող հարակից գործարքներ ու բարեգործական բեռների ներմուծման ծրագրեր: